

АЗБУКА ВЕРЫ



Канон святителю Митрофану, епископу Воронежскому

Молитвослов 2023

Канон святителю Митрофану, епископу Воронежскому



Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: /
Избавителю и Богу нашему поим.

Припев: Святителю, отче наш, Митрофане, моли Бога о нас.

От многих зол многого уныния исполнены, / к тебе прибегаем, святителю Христов Митрофане, /
и от Тебе скорыя помощи и заступления ныне требуем.

Припев: Святителю, отче наш, Митрофане, моли Бога о нас.

Страстей нас брани смущают, / пастырю преподобне, / ты же умири нас твоим благоприятным к
Богу ходатайством.

Слава Отцу и Сыну и Святому Духу.

От бед и скорбей нас, чудотворче святой, избавив, / мужественное в добродетелях преспеяние
всем даруй, / да вси о тебе, священнейший Митрофане, радуемся.

И ныне и присно и во веки веков. Аминь.

Богородичен: Молитву нашу приими, Пречистая, / и молитвою Твоею всемошною избавитися
нам от враг видимых и невидимых, / от грехов же и всякия муки, / моли, Егоже родила еси,
Человеколюбца Бога.

Песнь 3

Ирмос: Небеснаго круга Верхотворче, Господи / и Церкви Зиждителю, / Ты мене утверди в
любви Твоей, / желаний краю, верных утверждение, / Единое Человеколюбче.

Припев: Святителю, отче наш, Митрофане, моли Бога о нас.

Покровителя жизни нашей / и молитвенника к Богу почитаем тя, / приснославный отче наш
Митрофане: / на стезю нас покаяния направи, / архиереев красот и верных утверждение.

Припев: Святителю, отче наш, Митрофане, моли Бога о нас.

Молим душевное наше смущение / и тьму бесовских наваждений в нас разорити: / тебе бо, святе,
дадеса благодать Святого Духа / злыя духи прогоняти.

Слава Отцу и Сыну и Святому Духу.

Недугующе телом, недугуем и душею, Богоблаженне, / ты же не остави нас во гресех наших
погибнути, / но в них же и сам яко человек искушаемь был еси / и нам, искушаемым, ныне
помози.

И ныне и присно и во веки веков. Аминь.

Богородичен: Вся Ангелов воинства, / Предтече Господень, / апостолов двенадцатице, /

святїи вси с Богородицею,/ сотвори́те моли́тву, во е́же спастїся нам.

Седален, глас 2

Во святїтельстве благочестно пожи́л еси́, святїтелю Богоявлѣнне,/ лю́ди к Богоразу́мию сло́вом и де́лом наста́вил еси́/ и Бо́гу до конца́ угоди́л еси́./ Сего́ ра́ди от Него́ нетлѣнием и чудесы́, о́тче Митрофа́не, почи́лся еси́,/ я́ко прича́стник Бо́жия благода́ти.

Сла́ва Отцу́ и Сы́ну и Свято́му Ду́ху, и ны́не и прїсно и во ве́ки веко́в. Ами́нь.

Богородичен: Му́чеников, проро́ков, апо́столов,/ иерар́хов, преподо́бных и святых́ всех от ве́ка пра́ведных/ похвала́ Ты еси́, Пречи́стая,/ те́мже Тя мо́лим:/ моли́ся с ни́ми ко Го́споду, да спасе́т ду́ши на́ша.

Песнь 4

Ирмос: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твое́ Божество́.

Припев: Святїтелю, о́тче на́ш, Митрофа́не, моли́ Бо́га о на́с.

Пла́мень погаси́ в нас плотскїх обурева́ний и нечи́стых на́ших помышле́ний,/ да пла́мени геенскаго огня́/ твои́ми моли́твами, Митрофа́не, изба́вимся.

Припев: Святїтелю, о́тче на́ш, Митрофа́не, моли́ Бо́га о на́с.

Ду́шу и помышле́ние к тебе́ протира́ем, святїтелю Богоизбра́нне:/ согрей́ на́шу ве́ру и любо́вь я́же к Бо́гу,/ да, зако́ну Его́ усер́дно последую́ще,/ пре́йдем по́прище на́шего спасе́ния непреткнове́нно.

Сла́ва Отцу́ и Сы́ну и Свято́му Ду́ху.

Сто́лп крѣпости стяжа́вше тя от Бо́га,/ от ви́димых и неви́димых враго́в огражда́емся тобо́ю безбе́дно;/ те́мже тя вси по до́лгу, Митрофа́не, ублажа́ем.

И ны́не и прїсно и во ве́ки веко́в. Ами́нь.

Богородичен: Черто́же Незаходи́мага Све́та, Де́во,/ не́смы досто́йны черто́га Небе́снаго грехо́вныя ра́ди вины́;/ ты же, Богороди́тельница,/ ра́ди обнаже́ннаго на Кресте́ сла́дкаго Твоего́ Сы́на и Благо́го на́шего Го́спода,/ покрый́ стыд лица́ на́шего и спаси́ нас.

Песнь 5

Ирмос: Просвети́ нас повелѣ́нии Твои́ми, Го́споди,/ и мы́шцею Твое́ю висо́кою/ Твой мир пода́ждь нам, Человеколю́бче.

Припев: Святїтелю, о́тче на́ш, Митрофа́не, моли́ Бо́га о на́с.

Мо́лим ти ся и вопие́м всеусер́дно:/ испо́лни, Боговдохнове́нне, весе́лия живо́т наш,/ покрыва́я нас крѣпким покрово́м защи́щения твоего́/ от гла́да, я́звы и междоусо́бныя бра́ни,/ я́ко мо́жеши, о́тче, а́ще хо́щеши.

Припев: Святїтелю, о́тче на́ш, Митрофа́не, моли́ Бо́га о на́с.

Мрак наших заблуждений и житейския гордости/ светлостью святых молитв твоих,
Митрофане, прожени,/ да помощию твоєю грехов оставление приемше,/ милость у Христа Бога
обращаем.

Слава Отцу и Сыну и Святому Духу.

На одре немощи и уныния низлежащу ми,/ подаждь руку помощи, пастырю Боговозлюбленне,/ и не остави мя лишена быти твоего спасительнаго благодатия Святаго Духа посещения.

И ныне и присно и во веки веков. Аминь.

Богородичен: Чистейшая еси паче Ангельских чинов,/ от Нейже Источник святых воплощенна
нас ради,/ да освятит естество человеческое,/ молитвами Твоими, Богородице,/ избави нас от
тмения нечистых наших деяний и неподобных глаголений.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя
исполнися/ и живот мой аду приближися,/ и молюся, яко Иона:/ от тли, Боже, возведи мя.

Прпев: Святителю, отче наш, Митрофане, моли Бога о нас.

Граду твоему заступник буди/ и паствы твоея хранитель,/ грады же и страны чтущих любовию
память твою/ неборимым молитв твоих предстательством оградь,/ да вси тобою, Богомудре
Митрофане, хвалимся.

Прпев: Святителю, отче наш, Митрофане, моли Бога о нас.

Яко защитника ты от Бога ведуще,/ власть на дусех нечистых велию имуща,/ молим от злаго
действия злых духов/ наши души сохранить безнавётны.

Слава Отцу и Сыну и Святому Духу.

По долгу блажат тя вернии,-/ радуйся, Митрофане,- зовуще:/ ты бо воистинну Российстей
Церкви радование и похвала,/ и ты чтущим на вся враги одоление, досточудне.

И ныне и присно и во веки веков. Аминь.

Богородичен: Гору Тя мысленную и Лествицу Иаковлю пророцы нарицают,/ Еюже Бог к
человеком сниде,/ погибшую драхму разыскати хотя,/ юже обрет, паки к Небесам возводит./
Темже Тя вси яко Матерь Божию православно величаем.

Кондак, глас 8

Воздержанием тело духу поработив,/ душу же равноангельну сотворив,/ святительскою одеялся
еси одеждою, яко венец священства,/ и ныне, всех Владыце предстоя,/ моли, всеблаженне
Митрофане, умироти и спаси души наша.

Икос

В пустыни высотой смиренномудрия,/ яко райский цвет, красуясь,/ и на Воронежския Церкви
престоле украсился еси высокими удобрениями, премудре,/ ибо был еси иерарх, образ верным
словом и житием./ Темже и Бог яко угодника Своего вознеси тя,/ нетлением и чудесы в Церкви

Своей прославляя,/ да вси верою зовем ти:/ радуйся, Воронежская похвало, Митрофане приснопамятне.

Песнь 7

Ирмос: От Иудеи дошедше, отроцы/ в Вавилоне иногда/ верою Тройческою пламень пещный попраша, поюще:/ отцев Боже, благословен еси.

Прпев: Святителю, отче наш, Митрофане, моли Бога о нас.

Нас обновити хотя/ и нашему спасению, Спасе, благопоспешити,/ Ты новаго Церкви Своей воздвигл еси светильника, Митрофана, к Тебе зовуща:/ отцев Боже, благословен еси.

Прпев: Святителю, отче наш, Митрофане, моли Бога о нас.

Человеколюбца Спаса о нас, святителю Христов, умоли/ разрешитися нам от прегрешений наших и душевных скверн,/ да и мы Тому яко Всесильному Избавителю зовем:/ отцев Боже, благословен еси.

Слава Отцу и Сыну и Святому Духу.

В славу Божию одеванный/ святитель и чудотворец нам от Бога показался еси, Митрофане всехвальне,/ да светлостями чудес твоих паче солнечных луч озаряемы,/ зовем дивная тобою Совершающему:/ отцев Боже, благословен еси.

И ныне и присно и во веки веков. Аминь.

Богородичен: Великая дарования/ Тобю от Господа прияхом, Дево Пречистая,/ сего ради благодарственное пение приносим Ти и зовем:/ Благословенна Ты в женах еси, Всенепорочная Владычице.

Песнь 8

Ирмос: Царя Небеснаго,/ Егоже поют вси Ангельстии,/ хвалите и превозносите во вся веки.

Прпев: Святителю, отче наш, Митрофане, моли Бога о нас.

К честным мощам твоим,/ яко к неборимому покрову, прибегающе,/ немолчнаго твоего ходатайства, Богоносе преподобне, просим:/ ты же не презри иже от Тебе требующих помощи,/ но услыши и заступи всех, поющих тя/ и превозносящих Христа во веки.

Прпев: Святителю, отче наш, Митрофане, моли Бога о нас.

Телесныя слабости и душевныя недуги/ силою молитв твоих благодатно пременяя,/ премени, отче Митрофане, всякое неможение поющим тя/ и превозносящим Христа во веки.

Слава Отцу и Сыну и Святому Духу.

Плачущим ты слезы отираеши, пастырю преблаженне,/ и бедствующим подаеши руку спасения от Бога,/ темже и нас у Престола Владычня помяни, верою поющих тя/ и превозносящих Христа во веки.

И ныне и присно и во веки веков. Аминь.

Богороди́чен: Велича́ем Твое́ твёрдое заступле́ние,/ испове́дуем Ма́терня Твоея́ моли́твы си́лу,/ благодарим возвели́чившаго Тя Го́спода, ро́ждшагося от Тебе́, Богома́ти,/ Его́же моли́ спастися душа́м на́шим.

Песнь 9

Ирмос: Вои́стинну Богоро́дицу,/ Тя испове́дуем,/ спасе́нии Тобо́ю, Де́во Чи́стая,/ с Безплóтными Ли́ки Тя велича́юще.

Прпев: Святите́лю, о́тче на́ш, Митрофа́не, моли́ Бо́га о на́с.

Ты, и́же в Дому́ Твое́м уго́дников Твои́х насажда́еши,/ я́ко ма́слины и я́ко ке́дры, Спа́се,/ Митрофа́на уго́дника Твоего́ моле́нием насади́ в нас добродете́льное жити́е,/ да во вре́мя свое́ принесем Ти пло́ды пока́яния.

Прпев: Святите́лю, о́тче на́ш, Митрофа́не, моли́ Бо́га о на́с.

Со А́нгелы, служи́телю Святéй Трои́це,/ Митрофа́не прему́дре, ра́дуйся,/ и нам, ве́рою блажа́щим тя,/ пода́ждь моли́твами твои́ми о Ду́се Свя́те ра́доватися.

Прпев: Святите́лю, о́тче на́ш, Митрофа́не, моли́ Бо́га о на́с.

Аще и не́мощны есмы́/ и премно́го согреша́ем, недосто́йнии,/ но не отступа́ем наде́жды мо́щнаго покрóва твоего́, достосла́вне:/ ты же, Христу́ Бо́гу моля́ся,/ помози́ нам обрести́ всем с ли́ки пра́ведных стоя́ние в День су́дный.

Сла́ва Отцу́ и Сы́ну и Свято́му Ду́ху.

На ме́сте озлобле́ния не́мощи смири́вшемся,/ удиви́ моли́тв твои́х си́лу, чудотво́рче святы́й, Митрофа́не,/ и по да́нной тебе́ целе́б благода́ти/ нездра́вие моё во здра́вие пременí.

И ны́не и при́сно и во ве́ки веко́в. Ами́нь.

Богороди́чен: Упова́ние и ра́досте на́ша, Мари́е Богоневе́стная,/ покрый́ нас честны́м Твои́м омофо́ром,/ да хва́лим непреста́нно и́мя Твое́/ и поём с Безплóтными Ли́ки, Тя велича́юще.

Светилен

Светоза́рна свети́льника ве́ры,/ Боже́ственно и пресла́вно от Светона́чальныя Трои́цы возсия́вша/ и нас со́лнца светле́йше чудесы́ свои́ми просвети́вша,/ Митрофа́на, па́стыря блаже́нна, пе́снями восхва́лим.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Богороди́чен: Богоро́дице Де́во, ра́дуйся,/ от А́нгела ра́дость при́имшая;/ ра́дуйся, Влады́чице,/ и спаси́ на Тя упова́ющих.